



Broj: 07-05-04-55454-72/24
Sarajevo, 24.01.2025. godine

KANTON SARAJEVO
Skupština Kantona Sarajevo
n/r Elvedin Okerić, Predsjedavajući
- o v d j e -

Predmet: Odgovor na zastupničku inicijativu

Zastupnica u Skupštini Kantona Sarajevo Admela Hodžić, je u skladu sa čl. 106. i 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), na 19. radnoj sjednici Skupštine Kantona Sarajevo održanoj dana 30.12.2024. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu "da se obezbijede svi potrebni uslovi za izradu plana aktivnosti i pripremanje projekata javno privatnog partnerstva (JPP) u Kantonu Sarajevo, oformi Komisija za JPP, Drugostepena komisija za JPP, zatim omogući pravna zaštita u postupku izbora konsultanta i postupku dodjele ugovora o JPP-u, uspostavi Registar ugovora o JPP-u, kao i nadzor nad provođenjem ugovora o JPP-u, a što je obaveza prema članu 9. Zakona o javno-privatnom partnerstvu Kantona Sarajevo ("Službene novine Kantona Sarajevo", broj 43/23)."

Odgovor:

Nakon detaljnog razmatranja predmetne inicijative zastupnice u Skupštini Kantona Sarajevo Admele Hodžić, koja se odnosi na to "da se obezbijede svi potrebni uslovi za izradu plana aktivnosti i pripremanje projekata javno privatnog partnerstva (JPP) u Kantonu Sarajevo, oformi Komisija za JPP, Drugostepena komisija za JPP, zatim omogući pravna zaštita u postupku izbora konsultanta i postupku dodjele ugovora o JPP-u, uspostavi Registar ugovora o JPP-u, kao i nadzor nad provođenjem ugovora o JPP-u, a što je obaveza prema članu 9. Zakona o javno-privatnom partnerstvu Kantona Sarajevo ("Službene novine Kantona Sarajevo", broj 43/23).", Ministarstvo privrede Kantona Sarajevo u okviru svoje nadležnosti daje sljedeći odgovor:

1. Ministar Ministarstva privrede Kantona Sarajevo je donio Pravilnik o planiranju potencijalnih projekata JPP-a, uspostavi i vođenju registra ugovora o JPP-u ("Službene novine Kantona Sarajevo", broj 23/24) (u daljnjem tekstu: Pravilnik), čime su se stekli uslovi da javna tijela na području Kantona Sarajevo planiraju potencijalne projekte JPP-a, te je propisan način uspostave i vođenja registra ugovora o JPP-u. Pravilnikom je, između ostalog, propisana nadležnost za planiranje potencijalnih projekata JPP-a, srednjoročni i godišnji plan potencijalnih projekata JPP-a, usvajanje plana potencijalnih projekata JPP-a, objavljivanje planova potencijalnih projekata JPP-a, katalog planova potencijalnih projekata

JPP-a, uspostava i vođenje Registra ugovora o JPP-u, rokovi za dostavljanje dokumenata za upis podataka u Registar;

2. Na prijedlog Ministarstva privrede Kantona Sarajevo Vlada Kantona Sarajevo je donijela Uredbu o kriterijima i postupku dodjele ugovora o Javno - privatnom partnerstvu ("Službene novine Kantona Sarajevo", broj 31/24) (u daljnjem tekstu: Uredba), kojom su propisani kriteriji i postupak dodjele ugovora o javno - privatnom partnerstvu, kao i prenos ugovora o javno - privatnom partnerstvu u okviru odredbi Zakona o javno - privatnom partnerstvu Kantona Sarajevo ("Službene novine Kantona Sarajevo", broj 43/23);
3. Ministar Ministarstva privrede Kantona Sarajevo, uz saglasnost Vlade Kantona Sarajevo, donio je Pravilnik o unutrašnjoj organizaciji Ministarstva privrede Kantona Sarajevo ("Službene novine Kantona Sarajevo", broj 38/24). Predmetnim Pravilnikom je uspostavljen Sektor za industriju, poduzetničku infrastrukturu i javno-privatno partnerstvo koji, između ostalog, ima nadležnost da vrši stručne poslove koji se odnose na obavljanje poslova iz Zakona o javno-privatnom partnerstvu koji su u nadležnosti Ministarstva privrede KS; obavljanje poslova vezanih za planiranje i pripremanje projekata javno-privatnog partnerstva iz nadležnosti Ministarstva, kao i vršenje nadzora nad provedbom projekata javno-privatnog partnerstva iz nadležnosti Ministarstva;
4. Ministarstvo privrede Kantona Sarajevo je dana 15.01.2025. godine organiziralo i održalo prezentaciju o setu propisa iz oblasti javno privatnog partnerstva i to: Zakona o javno-privatnom partnerstvu Kantona Sarajevo ("Službene novine Kantona Sarajevo", broj 43/23), Pravilnika i Uredbe, pred predstavnicima jedinica lokalne samouprave (općina sa područja Kantona Sarajevo i Grada Sarajevo);
5. Ministarstvo privrede KS je sačinilo akt, broj: 07-05-14-2342/25 od 23.01.2025. godine i isti dostavilo javnim tijelima na postupanje, kojim od javnih tijela zahtijeva postupanje, tj. da u skladu sa Zakonom o javno-privatnom partnerstvu Kantona Sarajevo i Pravilnikom izvrše blagovremene analize postojanja potencijala za uspostavu JPP-a, sačine srednjoročni i godišnji plan potencijalnih projekata JPP-a, da usvojene planove objave na svojoj web stranici i iste dostave nadležnom organu u skladu sa odredbama Zakona o javno-privatnom partnerstvu Kantona Sarajevo i Pravilnika; i
6. Ministarstvo privrede Kantona Sarajevo će na osnovu usvojenih planova sačiniti Katalog potencijalnih projekata JPP-a na području Kantona Sarajevo u skladu sa odredbama Zakona o javno-privatnom partnerstvu Kantona Sarajevo ("Službene novine Kantona Sarajevo", broj 43/23) i Pravilnika.

S poštovanjem.



Dostavljeno:

1. Naslovu,
2. Vladi Kantona Sarajevo,
3. Evidenciji i
4. Arhivi.

